

雜俎

光緒三十一年三月中國事紀

△爲記者知此事之見於是日也
△爲記者以見報之在是日也

三月初一日。△吏部奏定嗣後漢廕生准與滿蒙廕生一律免考。△川督錫良電奏膽對改土歸流。泰甯寺喇嘛煽亂。槍斃所派弁兵。奉 電旨。著駐藏大臣鳳全就近剿辦。△庫倫辦事大臣奏達賴喇嘛遷延不行。△四川犍爲匪亂。旋即剿平。△德國親王利物浦至京。謁見 皇太后。 皇太后旋以頭等第二雙龍寶星賜之。△江淮巡撫恩壽奉 廷寄賞加兵部尚書銜。△兵部尚書鐵良奏請整頓兩淮鹽務。△政務處復會議江淮分省事。△外務部照會日使。請撤新民府日軍所設軍政局。△駐藏幫辦大臣鳳全因力持膽對改土歸流事。巴塘番人戕之。△駐法使臣孫寶琦派隨員嚴璩考察越南一帶情形。△署江督周馥以德人赫盤西爲製造局監察官。△

雜俎

香港英官封禁華官所設開平煤礦分局。△廈門鷺江報館因誤登金門教案失實。被英領事封禁。初二日。△政府電召山東登萊青道何彥昇入京。將詳詢德人在山東築路事也。△美使牒外務部。請速開奉天安東青泥窪三處商埠以踐前約。△日本議於日軍所據滿洲境內一律抽稅。初三日。△以希廉授泰甯鎮總兵兼總管內務府大臣。△直督袁世凱電請再調陸軍數營駐防關外。△奧使牒外務部。謂已派駐滬奧總領事爲會議商約委員。請催商約大臣速議商約。△俄兵入吉林長春。據之。築輕便鐵路。初四日。△以升允調補陝甘總督。崧蕃調補閩浙總督。△川督錫良奏報膽對改土歸流。土司抗拒不服。政府電命川提馬維祺率兵剿之。△駐滬俄總領事以華官任聽日本在公共租界舉行祝誕會爲違背中立。詰問江海關道。初五日。△以林紹年授貴州巡撫。而 命貴州巡撫柯逢時駐紮宜昌。辦理八省膏捐事務。△奉天將軍增祺奉 旨開缺來京。陛見。以廷杰攝其任。△以蔣雲

四十三

乙巳

龍調補江西南贛鎮總兵。邱開浩補浙浙江處州鎮總兵。
 △英使牒外務部請開廣西百色廳龍州梧州等處為商埠。政府電飭粵督體察覆奏。△美商公利公司不允廢去合辦吉林琿春府屬天寶山銀礦合同。初六日。△直督袁世凱奏設北洋軍醫學堂。△江督周馥奏蘇淮不宜分省。△練兵處議定通用槍式。△調武衛右軍二千人往駐南苑。△意使牒外務部言將於明年在祕拉諾地方舉行賽會。並設漁務分會。△鎮江武威新軍裁兵聚衆滋事。駐鎮英領事電請江督周馥查辦。△南非華工罷工。為警察所擊。有傷亡者。初七日。△考察外埠商務兼管閩粵路礦大臣張振勳。舉美人葛雷為路礦參贊員。△外務部電飭浙撫聶緝槩。廢浙紳高爾伊與法商所訂浙江礦務合同。△政府電告吉林將軍。飭令松花江沿江船隻停駛。免為外人劫用。△膠州德人具呈江督。請准敷設山東達上海之海底電線。△四川重慶府法主教。擅行鎖押官立學堂之學生。初八日。▲諭飭各省督撫。著地方官保護大

小寺院及一切僧衆產業。不得勒捐廟產。△練兵處覆駐美使臣梁誠請設貴冑學堂並派各國留學一摺。奉旨依議。△御史阿查本為山東商人李遇龍奏請承造京張鐵路。奉旨以該御史希圖漁利。實屬荒謬。交部議處。△浙江紹興府天主教士強佔寺產。紳民電請同鄉官。轉致浙撫聶緝槩力阻。△安徽洪澤湖梟匪滋事。初九日。△鄂督張之洞川督錫良會奏請設鐵路學堂於武昌。△日使告外務部請飭預防上海俄艦逃逸。△政府電飭張勳。統其所部淮軍。移駐張家口。△中德兩國全權委員在上海開議商約。△停泊南京下關之德國兵輪統帶官。要求署江督周馥。借獅子山礮臺操場為德兵習操地。△日本僧人設教堂於廣東之佛山。初十日。△政府議將崇文門稅務改歸商部辦理。△福建全省士民。電達商部。請阻止法商要索閩省礦權。△日本在營口創收魚稅。△浙江湖州民教爭地案在上海議結。十一日。△政府以調查礦產事。聘技師於日本。日政府命西山西省吾就聘。△德

使請外務部禁止華人在莒州及日照縣開採煤礦。△湖南擬開湘潭常德為商埠。△俄軍竄入蒙古。蒙王以有違中立。勒令留下兵械。送之出境。十二日。△以連魁為科布多參贊大臣。並賞給副都統銜。壽勳補授鑲紅旗漢軍副都統。△吏部奏裁書吏。考用舉貢騰錄。期滿後酌量升授小京官。又附片奏請教職佐雜各官停選。概歸外補。奉旨依議。△直督袁世凱署江督周馥會商。以江南製造局之機器鍋爐木工輪船生鐵熟鐵六廠。劃歸籌防局辦理。札委廣東水提葉祖珪為督辦。△江南陸師學堂學生以不服督練公所議改陸軍章程。全堂解散。十三日。△飭各省迅速籌解練兵經費。△日本立學傳教於奉天之安東縣。十四日。△皇上特賞駐濟南德領事二等寶星。德警察官森脫吾四等寶星。德教士監督階希二品頂戴。△戶部籌撥北洋新餉三百萬兩。△日本擬在廣州府添設領事。△日本派佐藤伊國至北京理藩院及戶部刑部各衙門調查則例。△英人在威海衛招募華兵千餘名而

雜 俎

訓練之。十五日。△諭飭滇督丁振鐸嚴飭邊防各營。竭力兜剿廣西土匪。毋任竄越。△政務處會同練兵處覆奏各省製造廠。統歸練兵處節制。以期槍礮一律。將設中局於湖北。設南局於萍鄉。設北局於山東。並在江北另設分廠。專造藥彈。△政務處議定各省銅元廠均歸戶部經理。△練兵處奏提江海關所存歷年武衛軍月餉銀兩。△川督錫良電告政府。言健為匪首已獲。紅燈教匪亦已解散。△德人索借鄱陽湖屯練水師。且請於揚子江擇一妥善地方。屯儲煤斤。△雲南土民立一保地會。相約不售地與法人。為築造鐵路之用。十六日。△川督錫良派遣員趙爾豐錢錫寶統常備軍二營。並另招新軍前往巴塘剿匪。△俄使雷薩爾病卒於使館。命振貝子前往。賜唁。及其葬也。外務部堂官復奉命往送。並賜極大花圈。△浙江餘杭縣屬匪徒滋事。擊傷美教士坎納德。駐杭美副領事克裏統兵前往查辦。十七日。△奉旨裁撤江淮巡撫。改淮揚鎮總兵為江北提督。而命恩壽來京。陛

四 骨 五

乙 巳

見。▲以潘萬才署理江北提督。▲以郭殿邦調補河南南陽鎮總兵。孫萬林調補四川松潘鎮總兵。洪永安調補直隸大名鎮總兵。馬金叙補授福建漳州鎮總兵。△鄂督張之洞電請政府緩修貢院。從之。△粵督岑春煊以俄艦將次東來。電請外務部轉商直督。速派兵艦兩艘至南洋協防。十八日。△練兵處奏定陸軍小學堂章程。△練兵處奏准提取各海關關平平餘銀兩。△電飭署理奉天將軍廷杰整頓地方。安撫難民。十九日。▲以四川雅州府知府聯豫為駐藏幫辦大臣。並賞給副都統銜。▲以程儀洛調補山西按察使。沈瑜慶調補廣東按察使。濮子潼仍留安徽按察使之任。▲兵部尚書長庚侍郎徐世昌覆奏考驗北洋陸軍情形。奉 旨嘉獎直督袁世凱及各統領官有差。▲鐵路大臣盛宣懷以收回福公司澤道鐵路事奏聞。奉 旨依議。△政府電飭粵督岑春煊專員偵察波羅的海艦隊。隨時報告。△庫倫辦事大臣電請外務部照會俄使。飭禁俄人假道庫倫轉運車輛。△美使牒外務部。以

廣埔鐵路有礙合興公司利權。請飭停築。△頒賞法主敎樊國樑治葬銀五百兩。並飭沿途地方官。於靈柩回國時。妥為保護。二十日。▲允修律大臣伍廷芳沈家本之請。頒詔通飭。嗣後死罪至斬決而止。凌遲及梟首戮屍三項。著即永遠刪除。又緣坐各條除知情者仍治罪外。餘著概予寬免。其刺字等項。亦概行革除。△戶部以東撫楊士驤請將解款留存開辦濟南等商埠事奏聞。奉 旨允准。△外務部與各國公使議定賠款辦法。△法使至外務部。聲明法國艦隊已在廣州灣之小都灣及洛修島與藜都等海面警備。保護中立。二十一日。▲修律大臣伍廷芳沈家本奏請飭禁止刑訊拖累變通笞杖辦法。並清查監獄羈所。奉 旨依議。並諭各督撫嚴飭各屬實力奉行。▲署江督周馥電聘英人藍福洛為南洋顧問官。△北洋常備軍准照定章三年期滿者。均退伍為續備兵。二十二日。▲清江浦商民以漕標散勇肆行劫掠。相繼罷市。▲怡和公司之元和輪船被燬於通州。焚溺死者百有餘人。

二十三日。△廷命署江督周馥赴淮。籌畫吏治海防河工捕務。△德國利物浦親王由京取道張家口庫倫恰克圖前往日俄戰地。△川督錫良電告巴塘土番聚眾仇教。又設自立會。將謀作亂。二十四日。△政府擬成藏約十條。電致查辦藏事大臣唐紹儀。△英美德意與五國公使將商標註冊修改章程送外務部。△刑部擬仿日本改良監獄。△俄廷以北京道勝銀行總辦璞科第爲駐華公使。△湖北改正各府州縣衛田辦法。二十五日。△英法二使以四川土番謀亂。牒請外務部。轉飭保護在蜀教士。△駐比使臣楊以鑾在北京。發售汴洛鐵路股票。二十七日。△駐俄使臣胡惟德電告外務部。言俄國將派新募兵二十萬。往吉林哈爾濱。△英國二等巡洋艦奧斯脫黎。礮艦司奈。鏢沙。駛入鄱陽湖。△上海工部局不準在租界行用蘇省所鑄當五銅錢。△上海英商以中國不遵按前訂中英商約辦理。聯名電達本國外部核辦。二十八日。△以特圖慎署理廂藍旗滿洲都統。△直隸候補道吳懋鼎報

雜俎

効銀五萬兩。開辦京師考工廠。奉旨以四品京堂候補。△法使以法教士四名在瞻對遇禍。請外務部電命川督錫良從速查辦。△美使奉本國命。勸我政府對於俄國逃艦之現受保護者。須嚴守中立。二十九日。△以白金柱調補雲南開化鎮總兵。蔡標調補廣東瓊州鎮總兵。韓立本補授四川重慶鎮總兵。

四十七

乙巳